

## EQIKKAANEQ

Dato: 16. oktober 2019

### **Kunngip peqqussutaatigut illersornissaqarfíup sulisui pillugit inatsisip allanngorneranut inatsisit aalajangersimasut Kalaallit Nunaannut atuutilernissaannut missingiut**

Peqqussutitut missingiutip illersornissaqarfímmi sulisut pillugit inatsimmut (sulisut pillugit inatsit) allannguutit marluk ataatsimoortippai, ataatsimoortillugit peqqussutikkut Kalaallit Nunaannut atuutilernissaat kissaatigineqartut.

Siullermik, peqqussutissatut missingiutip illersornissaqarfímmi sulisut pillugit inatsimmik allannguinermut inatsit nr. 1539 decembarip 18-ianni 2018-imeersoq Kalaallit Nunaannut atuutilersissavaa. Soraarnerussutisianut assingusunik tunniussisarnissap annertusinissaanik aamma sulisut aallartitaasimasut ajoqusernerminnunut taartisiaqartarnissaanik inatsimmut allannguut imaqpaoq.

Inatsimmut allannguutip malitsigissavaa sulisut agustip 14-iat 1996 sioqquillugu aallartitaasimasut aamma sulisut ullormi tassani kingusinnerusukkulluunniit aallartitaasimasut akornanni aningaasatigut taarsiivigineqarnermut tunngatillugu naligiissitsineq.

Allannguut sioqquillugu sulisut pillugit inatsisip periarfissaatissimavaa, illersornissaqarfíup sulisuinut taakkualuunniit qimataannut aningaasatigut assigiinngitsunik ilusilikkanik taarsiisitsisarneq, sulisut nunanut allanut aallartitaanerup nalaani tamatumaluunniit kinguneranik ajoqusersimappata imaluunniit toqukkut qimagussimappata. Aammattaaq ajoqusernermut taartisiaqartitaasarnermut assingusumik pissarsisitsisinnaneq periarfissaasimavoq, Illersornissaqarfík tamatumani taarsiinissamut akisussaasuunani.

Taakkunani aaqqissuussani taaneqartuni marlunni pineqarpuit sulisut agustip 14-ianni 1996-imi kingusinnerusukkulluunniit ajoqusersimasut, sulinermanni sulinerminniluunniit kingunerinik ajoqusersimasut. Illersornissaqarfík pillugu 2018-imiit 2023-mut isumaqtigiiissummi sulisunut agustip 14-iat 1996 sioqquillugu ajoqusersimasunut naligiissitsinissaq isumaqtigiiissutigineqarpoq. Inatsisip illersornissamik isumaqtigiiissutip ilaa taanna atuutilersippaa, pissarsiassanik tunniussineq januaarip 1-iannit 2018-imi pisinnaanngortillugu.

Enhed: JSN  
Sagsbeh.: FMN-LMP  
Sagsnr.: 2019/002826  
Dok.nr.: 934503  
Bilag: Ingen

Forsvarsministeriet  
Holmens Kanal 9  
1060 København K

Sagsbehandleren direkte:  
Tlf.: +45 7281 0064  
E-mail: Imp@inet.fmn.dk

Illersornissamut Ministereqarfimmut pingaaruteqarpooq  
Illersornissaqarfimmi sulisut assigiissunik atugaqarnissaat  
qularnaassallugu, naalagaaffeqatigiinni illersornissaqarfiup  
attuumassuteqarfianni inatsit sorleq atuunnersoq apeqqutaatinnagu.

Tamanna tunngavigalugu nalilerneqarsimavoq inatsit sulisunut tunngasoq Kalaallit Nunaannut atuuttoq nutarterneqassasooq kissaatiginartoq.

Aappaattut, peqqussutissatut missingiutip illersornissaqarfimmi sulisut pillugit inatsimmik allannguinermut inatsit nr. 328 marsip 30-anni 2019-imeersoq Kalaallit Nunaannut atuutilersippaa. Inatsimmut allanngummi tamakkiisumik illersornissamut aaqqissuussineq upalungaarsimanermullu piareersimasunik pilersitsineq pineqarpoq.

Illersornissaqarfiup sorsunneqartillugu ajornartoortoqartillugulu upalungaarsimanissamut piginnaanerata annertusinissaa inatsisip siunertaraa.

Tamanna upalungaarsimanermut piareersimasunik pilersitsinikkut pissaaq, taakkualu aallartinneqarnissaat siunertaralugu ilinniartitsinikkut. Taakkua upalungaarsimanermi piareersimasussatut toqqarneqartut sakkutuujusussaanerannut atatillugu qaammatini 8-ni ilinniarneq naammassissavaat aammalu angerlartitaareernerminni kingorna ukiut tallimat iluanni upalungaarsimasuni sulisussatut aggersarneqarsinnaallutik, taamaattoq sulinerup sivisussusia nalinginnaasumik katillugu qaammatinik 24-nik qaangerneqassanngilaq.

Peqatigitillugu inatsisip illersornissaq tamarmiusoq patajaallisassavaa, ilaatigut sakkutuujusussaasut qaammatini 8-ni sivisussusilimmi sakkutuujusussaanermut ilinniakkamik naammassinnereertut angerlareernermermi kingorna ukiut tallimat tikillugit tamakkiisumik illersornissamut aaqqissuussami sulinissaminut aggersarneqarsinnaaneratigut. Illersornissami tamarmiusumi kingornatigut sulineq sivisunerpaamik qaammatinik 6-nik sivisussuseqassasoq piumasarineqarpoq.

Kiisalu inatsisip malitsigivaa, siornatigut sakkutuutut sulisimasut, tassunga ilanngullugit soraarsitaasimasut imaluunniit sakkutuutut sulisutut soraarningorsimasut Illersornissamut Ministereqarfip iluani sivikinnerpaamik katillugu ukiumik ataatsimik sivisussusilimmik atorfqarsimasut pisussaatinneqassasut sorsunnermi imaluunniit pisuni immikkut ittuni aamma ajunaarnersuaqarnerani katillugit qaammatit 36-t angullugit sulisassasut, pineqartut ataatsikkut inissinneqarsinnaallutik imaluunnit piffissani killilikkan, pisuni pisariaqartitsineq apeqqutaatillugu. Pineqartut soraarningorgfissartik anguppassuk pisussaaffiat naassasoq siunnersuutigineqarpoq.

Inatsisip illersornissaqarfik pillugu 2018-imuit 2023-imut isumaqatigiissutip ilaa piviusungortippaa, tassani isumaqatigiissutigineqarpoq illersornissaq tamarmiusoq

patajaallisarneqassasoq aamma Illersornissaqarfiup sorsunneqartillugu  
ajornartoorneqartillugulu upalungaarsimanissamut piginnaassusia  
annertusineqassasoq.

Danskit inatsisitigut allannguinerinut tunngatillugu Kalaallit Nunaanni  
pissutsit allannguiffingineqanngillat.